


DZEIVE BEZ MANE JĀKUBPILĪ



Izdeviejs

Korporaceja

Delta. Mopeds

2015



PRĪŠKYS VUORDS

Autors anonims i Kautreigs

Partuka vītā

Bez prīškvuorda ci prīškys vuorda nikai.

Kuorteigai saimineicai prīškā vysod aizsīts partuks, prīškys auts, kab kopka i sukne nanūsazīstu. Ar pučem, bez pučem, ar lelu kuldu deļ pogroba atslāgu ci puors noglu – latgalīšu sīvīte var vysu, ari sanogluot syltumneicai paksi i izruomēt syvānu.

Ar latgalīšu literaturu tik glaunai nav. Jei navar vysu. Syvānus kai syvānus – moļ i ruomeitu, kab bejuši. Tok, maitys taidi, nadzymst! Itūgod Boņukā, kauns i nagūds, nabeja atseviškys nominacejis dzejai. Dzeju tok latgalīši muok raksteit. I vēļ kai. Vysi almanahi i antologejis pīrauduotys par mierstūšom volūdom i iz lelceļa izdzeitū siermū latgaļu tautu, kas krystceļūs pagaisynuojuse seņejūs dzīšmu vuordus i natur cīnā vacus prasus, babys brillis i cytys vierteibys.

Da i kas tū latgalīšu literaturu skaita. Pasoki, kas ir pādejuo latgaliski puorskaiteituo gruomota, i es pasaceišu, ka tys ak jau beja seņ voi ari nav taisneiba. Trasuns, Kemps i Luocs var rotēt grobā kai viļceni, tok nu tuo dreizuok varātu īgiut elektreibu, kab zynuojuši laiceigai davīlkt vodus, na literaturu. Ar tū es dūmoju tekstus, kū kaidis ari puorskaita, na tikai padūd autoram krizantemys

i gruomotys salīk plaukteņā “Mūsu novadnieki”.

Ite treis puiši roksta. Pi tam na tikai roksta, a pat ir sasalasejuši kūpā, sasvīduši kaulus i tekstus kopnā i niu gaida pyunē vesšonys laiku. Tys nav moz. Parosti taidi kai jī nūskaita sovus paņteņus pi mikroфона, vysi pazvīdz, pasaklausa muzyku, īdzer ols i īt iz sātu.

Ite ir i par Jākubpili, i Krystapili. Vītu, kur latgaliskajam vysod bejuse rūbeža – Zylupis viļcīnī da Krystpiļa latgaliski, a tuoļuok jau ņaud voi klusej. Voi itī teksti ir latgaliskuo rūbeža, es nazynu.

Cerīs, ka tī iz prīšku ir vēļ – ka na itim puišim, to jūs alter ego voi pseidonimim. Partū ka Daugovā iudiņu daudz – var pasmeļt iudini, var nūlaist nūtakiudini. Ite taidi drupeit urbani i drupeit smeļdzeigi teksti par ni to vītejū, ni to sovejū, ni to svešinīku vīnā voi ūtrā Daugovys pusē.

Ar voi bez partukim, bet syvānim byus byut. Buož tik maisā. I cytugod obligati nominej Boņukam!

Ūtrys priškvuords

Na vysod, kod saīt vīnuvīt treji ļauds, ir saguojuse leidzona, t.i.vīnaida ideja. Treji ļauds i vysod treji redzīni – voi piec mienesnīka fazem tolku taisiet, a voi kai sovejī sasalosa i kod saļarka lātuoka dabuota, voi kai sovaižuok

Kur nu vēļ, ka ļauds na sprostī, a ar titulym – kņazs, kūrfirsts, grafs. Tai ka komanda na sprostā i parostai taidi ļauds rauga sevīm izapaust - gon memuarus (emuarus) izdūt, gon tikai ar sovū vuordu sovys dzymtys kuknis iedīņus īprotokalēt, gon ari dvēselis apleicīni i apleicejū dvēseli iz papeira izlikt.

Ite gadīņs sovaižuoks – titulātī raksteituoji i saguojūši vīnuvīt i salykuši sovus pasavīerīņus taipoš vīnuvīt. Pi tam navys sovā runā, kas skanēja makteigajuos piļis sātuos, a tai kai runuoja zemnīki apleicejūs teirumūs i mežu moluos.

Pajūceigi muižinīki deļ pyrmuos šaltis izaver. Bet nu ūtrys pusis, kas tod tūs tekstus pošūs suokumūs lyka vīnuvīt? Zemnīkam tok beja juostruodoj, a divis zīmys pogosta školā, da vēļ svešuos mēlēs, na jau deļ tuo dūmuotys, lai par pučēitem raksteitu, kas vogys molā izleidušys, a kab kienēņa garuo titula zynuotu i bazneicys gruomotā pareizū vītu atrostu, kas nu pruota izskriejuse.

Deļ tam juoatdūd gūds vysīm trejim e-gruomotys sastateituojim, ka jī roksta tai, lai saprostu mes vysī, lobā nūzeimē videji aritmetiskī i globalizacejis skritulī dzeivuojušī, kur ir sasamoluse na vīna viņ Eiropys reģiona zemnīku, mežinīku i zvejnīku mozvolūda, i kod dreizums, nīzejūšais sprostums, izsacejuma eisums i apleicīnis naizpušķuošona ir pyrmā vītā, a alegorejis, simboli, metaforys i metonimejis, poētiski saleidzynuojumi itt., taipoš kai aicynuojumi napagaisynuot sevis ir romantiskūs laiku lobais puorpalykums.

Es par itim bagaturim!

Inflantejis zemnīka atlase, kura seņčim pa muotis linejai muižinīks beja īdevs pavuordi Kozlovskis.

Marts, 2015

Ps. Vīneigai, nazyna, voi Kreicburga (Krystapiļs) i Jakobštate (Jākubpiļs) ir sevkura vīta Inflantejā – Kurlandejā, voi tys ir poetiskais vyspuorynuojums?

Kab pīsapiļdeitu jūs - autoru, kvāluokuos īceris

i jī īitu beidzūt dzejnīku kuortā,

(kai jau vysi cyti tū ir paspieši izdarēt)

autoru kolektivs izsoka dziļu,

sirsneigu **PAĻDIS** - pošim sev!

SALUT!

*Pateiceibā,
Autoru kolektivs.*



AUTORU JUBILEJIS DZEJIS KŪPKRĀUJUMS

Dzeive

bez

mane

Jākupīli

INTRO

ŠILO KRAŠTE GERVĖS KLYKIA
NEPAJĖGIU JŲ PASIEKT, KARTU VYKTI.
NORĖČIAU Į TUOS PIETUS, TEN ŠILTA BEI NEMOKOMA.
JĖKABPILIS — TU MŪSŲ VAGINA IR GIMDA.
PASKLIDUSI ANT MAGISTRALĖS.
Į TAVE IR ĮEINA, IR IŠEINA
TRANZITAS, EISMAS IR LATGALOS ŽMONĖS,
IR, ŽINOMA, BOBOS.
DAINUOK GARBĖS BEI LAIDOTUVIŲ DAINŲ.
SVEIKINOM!
TEGU SPIEGIA VIRDULYS VIRTUVĖJ.
TEGU!
GALIMA NESUSPĖTI APSKRISTI PASAULĮ, O GIMTINĘ MYLĖTI —
GALIMA!

KURSABĪDRA MUOTE

IZ DEPO CELEŅŠ NAV SAKUORTUOTS
IR PUORROKTYS VAIRUOKYS ĪLYS.
ES DZEIVOJU HRUŠČOVKĀ CATURTĀ STUOVĀ
VĪNĀ USTOBĀ AR NAPAZEISTAMU KRĪVU.

MAN KAIMIŅŪS DZEIVOJ KAIDS MIERKAČEITS
INTELEKTA NASABŪJUOTU SEJU.
JIS BEJA NŪSITS DIVREIZ SOVU SĪVU
I KRYSTĀVU NŪSAUCS PAR GEJU.

MAŅ NAINTERESEJ CYTU PROBLEMYS
IT EIPAŠI TUOS, KAS KRYSTAPILĪ IR.
JO IZ DEPO CELEŅŠ NAV SAKUORTUOTS
I JŪPRŪJOM IR PUORROKTYS VAIRUOKYS ĪLYS

APSŪLEITUO ZEME

MAŅ PAR BREINUMU ŠŪREIT PIĻSĀTĀ
NAV ĪLU.
VYSI MAUN PA UPEM I KANALYM,
CI PA NATEIROM KANALIZACEJIS TRUBOM
IZ ATTEIREIŠONYS ĪKUORTOM.
A VOKORĀ IZ SĀTU
DA SĪVYS I BĀRNU,
DA 2 SUŅU (TERJERU) I RYŽA KAČA,
DA PORODU PAR APKURI,
DA TELEVIZEJU PATĪSUOS DZEIVIS I ORĢEJU.

SAULE SIRDĪ

ES BEJU PUIKENŠ
TŪLAIK MOZS.
MOŠ GODI DIV,
VOI VYSI PĪCI ATPAKAĻ,
ONKYS PLUDYNUO
TOD BOLKYS
PA PLOTŪ DAUGOVU,
KAM NADAŠPĻAUT
DA ŪTRYŠ MOLYS.

SĀBRU VILMĀRS
KAS IR BEBRS & VIŅA CO
TŪLAIK AIZPLYDYNUO I NŪZOGA
PUORS BOLKYS ARI SEV.
TOD RUBLI BEJA DUKATŪS
TOD...
I ZVĪDREJĀ BEJ LOBUOKS GAISS.

NU KAKUOJU
ES BIKSĒS VĒĻ, DEVEITĀ
A TOD PIEC DOKTERA,
I GODA - VAIRS NĀ.
BET VOI PIEC TUO,
ES STREIDŪS
NAASMU ADEKVATS?

VACUMS - VAKUUMS

GRYUTA DZEIVE ZĪLĀNŪS, TAIPAT KAI PIEC 60.

GRYUTS PASTAIGUOT I VIĻCĪŅS NŪBRAUKT VAR,

I VYSI PAR TEVI SMEJĀS

TYVAI KRYSTAPILS KAI KUOJU SIENEITE.

TUOLI JIEKAPIĻS KAI MUNYS SĀTYS,

KURUOS NAASU NIKOD BEJS I

DĪZ VOI KAUDREIZ SPERŠU SOVU KUOJU.

I NAV PEŅSEJIS, PAR KŪ NŪPIERKT DORMEO MATRASU.

VAĻDNĪKS

NAZYNU ES, KAI SAUC ITUO GORODA MERU.

VOI JIS IR VEIRĪTS CI SĪVĪTE...

CI JAM IR VYSMOZ INŽINERA CI FIZMATA IZGLEITEIBA!

VARBYUT JAM IR BĀRNI NU DIVEJOM DAŽAIDOM VAĻSTIM?!

BET RUNUOT AR JŪ VYSOD IR GRYUTS –

JIS NAMUOK RUNUOT PAR GOLVONŪ,

JIS RUNOJ PAR VYSU PUOREJŪ.

I PATEIK BABOM:

„ JIS SOLĪDS TAIDS, VYSMOZ! ”.

MAŅ JIS PASARUODĒ TAIDS SEJĀ PARASNS.

ĢĒRBONIS VAI CIPARS

TUOS BUOBYS
BYUTU JAU GLEITYS.
JO NABYUTU
PUORDAUGOVĀ
I TIERGA KRĪVA
SMOKĀ TEITYS.

AI, ES UZ SALU MAUCU.
PIE KAKTUSA
TUSĒT BRAUCU.
ROKAS TUR
ŪDENĪ NOMAZGĀJU.
TUR FEINAS BĀBAS LASĀS.
TĒRPJAS PLIKO NANODESĀS.

MES LOBUOKI PAR KRYSTAPILI

MYUSU PARTNEREIBĀ VYSS IR KUORTEIBĀ.
KOTRAM IR KŪ DAREIT SOVĀ STYURĪ,
KOTRAM IR SOVS VADEITUOJS, IZPYLDDIREKTORS I VĪTNĪKS.
PUORSVORĀ VYSI IR SAISTEITI RADNĪCEIGOM SAITEM

I DAUGOVA BLOKUS, I DONAS MAIZNEICA,
I RIMI,
KAI ARI, LOBUO MEGO IEDNEICA.
VYSS IZJEMŪT STATOILU IR LOBUOK
KAI KRYSTAPILĪ

KRYSTAPILĪ ATJAUNUOTS KULTURYS NOMS
NU I KAS
BET MYUSIM IR MAXIMA
AR STUOVVĪTU DAUDZIM AUTOMOBILĪM.



UZJEMIEJS

JUONAM PI SĀTYS SMUKI PĪTECIEJS BENZINS

SAULĪ BREINEIGI SPEID.

TYS JAM NU UZJEMIEJDARBEIBYS.

JAM IR PUSGODA VIZA.

JAM PATEIK CEĻUOT IZ UORZEMEM

VYS MOZ REIZI NEDELĪ.

VYS MOZ SAIME PAĀDUSI – KLIENTU GONA!

ATBRAUC I AIZBRAUC.

MIENESĪ SAĪT VAIRA KAI SĀBRU ŠKOLUOTUOJAI VIJAI.

PLUS VĒĻ GMI PABOLSTS I KRYSTTĀVA IZDĪNYS PEŅSEJA.

ILGU CEĻŠ

KOTRU REIZI

MYGLOJĀS

ACĪS OSORYS

MAŅ JAU ZĪLĀNŪS.

GAISA SKIUPSTU

RAIDU DAUGOVAI.

STACIKA DASYS

IT KAI ASŪT NU FRANKFURTIS,

TAI SOKA BIRUTA,

SORKONĀ MAIKĀ.

SAKREIT, JUOS

SAPLŪK VĀDARĀ

DA REIGYS.

AK! TAI NIKOD NAASU BEJS

ITE PI JIUSIM, PI IUDINIM.

I TYMĀ BAUMU – MEGO KAFŪZĪ.

I JIURMOLĀ.

STYPRUOS RŪKYS

JAM NŪGUOJA MOTI NU GOLVYS

PATRYNA KULAKUS

RAUDZĒ BOKSĒTĪS AR TĀVU

SADAUZEJA VĀLUOK I CYTUS DURAKUS

JAM NABEJA KUR AIZĪT

DEĻTUO JIS STAIGOJA PA USTOBU.

JAU 30 GODUS JIS SOVU BABU

SAUCE PAR FAŠYSTU.

JIS VYCYNĻO KULAKUS

BEZ ACIMRADZAMA ĪMASLA.

JIS JĀME SEVI RŪKUOS

TEI BEJA CYTA ATPYUTA.

(VARONIS NEVARĒJA INTEGRĒTIES SABIEDRĪBĀ UN JUTĀS NOSKUMIS, BET
PAŠPIETIEKAMS)

TUOS LĪTAKU CAURULIS...

IZGUOJU UORĀ.

GONA JAU PAELPUOT USTOBYS GAISU!

IZGUOJU PAMEICĒT ASFAĻTU,

PAGLAUDĒT LĪTAKU CAURULIS –

JUOS REIZEM MAŅ ATGUODYNOJ PAR STUDEJU GODIM

I PAR DRAUDZEIBU AR USTOBYS BĪDRIM,

I MEDICINYS STUDENTI JUTU,

I JUOS LOBUOKŪ DRAUDZINI,

I JUOS OBEJIS KŪPĀ.

I PA VĪNAI...

...KOD IZGUOJU UORĀ.

ES JAU NEESMU TĀDS KĀ VISI CITI!

NEIN, NEIN, NEIN!

MĒS NEESAM

JAU TIE JŪSU LOTGOLĪŠI!

TAUJĀJIET TIEM TUR.

TUR - AIZDAUGAVĀ.

ZIN, MĒS PAŠI, ZIN,

KA PASLIETĀM GALVĀM

MĒS PRET CITIEM

STRAZDU BŪRIEM KŪRIEM!

KURIEM?

MES PAŠI ZINAM

KURĀ KĀJĀ

SEV DŪRIEM!

SKAISTA DOBA, REITS I DAUGOVA

MUNA MEILUO I SKAISTUO DAUGOVA

LAIKS ĪT TAI KAI DAUGOVA

CYLVĀKI ĪT TAI KAI DAUGOVA

MAŠYNYS BRAUC TAI KAI DAUGOVA

VIĻCĪNI BRAUC TAI KAI DAUGOVA

VYSI IR TAI KAI DAUGOVA


KOD PYUŠ VIEJS - NAMĪREIGI

KOD NOPYUŠ VIEJS - MĪREIGI

PAĻDIS TEV DAUGOVA

PAR IUDINI KURŪ TU DŪD

PAR NŪTAKIUDINI KŪ PAJEM



CIK ŠĻIKTA DZEIVE

KROTŪS SABĪDRISKAJĀ

AR NUMURU PĪCI

DA STACEJAI.

ITYS IR PIEDEJAIS BRAUCĪŅS

EVER.

FOR EVER - NEVER.

BĀDU VAIRA

KAI DA BAZNEICYS.

A PRĪKŠEJUOS BUOBENIS

KRYUŠTURA LEŅCIS

SPĪŽ VUORGI

JAI MĪSĀ,

I VERĀS IZ MANE

DIVEJIS JUOS MUGORYS

SPAIDERMENA ACS.

PAR LEIDZJIUTEIBU STUOSTA

TOK NAV DA GOLA VOI MOLYS.

JUOBRAUC

IR JUOBRAUC

MAŅ PACELI

NU ITUOS VĪTYS.

UZ RĪGU, UZ RĪGU!

TI MEITIŅU, LOMBARDU

I LĪTUOTU AUTO IR VAIRUOK!

VAIRUOK KAI SUOPU

JĒKABPILS - RĪGA!

MEKA

KOD STATOILA BURVEIBA IZSEIKST

VĒĻ IR MYLZUM DAUDZ CYTU ĪSPIEJU.

ARĪ LUKOILĀ IR PUORDEVIEJI KURI NASVEIST

I NAV SAISTEITI AR JIEKAPIĻS MAFEJU.

ĻAUDS GRŪZĀS, RUNOJ PAR KOPEJU.

KAIDU CĪSEŅU RŪKUOS BYUS JIMT.

OI, AIZMIERSU SAMOKSUOT PAR BENZĪNU!

KA TIK NŪDŪKĻU PORUODŪS NASUOCU GRIMT.

DAUDZ PIĻSĀTĀ PAMASTU SĀTU.

BYUS JUONUDADZYNOJ LELUOKUO DAĻA.

PAR TŪ BEJA PUORLĪCYNUOTS ARĪ PRĪKŠSĀDĀTUOJS DZEŅS.

I JUO TAŅTE – MUOTISDĀLS LĪTUVĪTS.

NŪKRYTA PRĪKŠSĀDĀTUOJS NU KRĀSLA.

KAI PYRMŪREIZ MAŅ BIKSIS PI PUOTORU.

VYSI SMIEJĀS.

DIVEJIS BUTELIS VEINA KOTRU DĪNU

I VAIRS NIKUO NAPĪMIŅU.

SAIMINĪKS / AMATNĪKS

MUNAI ĪLAI JAU NEDELI IR SOVS SAIMINĪKS.
 JIS STAIGOJ TAI CĀLI, IZRĪSTU GOLVU I PACALTU ASTI,
 KAI NAZKOD MYUSU KLASIS VITAĻS.
 JAM IR ZALTA RŪKYS –
 JIS AR TUOM PLUCYNOJ SOVYS DĀMYS
 I PAMAT IZ TROTUARA KEIĻROKSTUS –
 ASIREJIS VAĻDINĪKU CĪNEIGUS.
 BEZ SAIMINĪKA BYUTU GRYUTS –
 NABYUTU, KAS VYSU DASAVER,
 VYSI TURPYNUOTU PIZDZĒT* ALUMINEJA KONYS.

*ZAGT (NU KRĪVU VOL.)

KRUASĀNI

BEJUŠAJĀ TIERGA LAUKUMĀ
 STUOV TĀLI.
 TĪ –
 PAŽARNĪKS I DĀMA AR DRAUDZINI
 KAS ZYN – VOI AR SOVU VOI JAU CYTA?
 TĪ –
 KARAVEIRS, JAUNIČI,
 I MEITINE AR KŪKA ZIRDZEŅU.
 FONĀ AIZSLUOJ
 DĀRTS NU WEIDERIM,
 NU I KAS MAŅ!
 KAS MAŅ, NU TUO,
 KA NASMUORDOJ VAIRA TIERGĀ
 SVAIGYS MENCYS
 NU PRIBALCIKYS.

SAPULCE

Redzēsīt, kod traktori liduos pa gaisu!

Byus juosīn pi zems ar divim parostim mozglim.

Daguoju i izreiz vysu saprotu -

kam komunālajā saimisteibā struodoj Juoņs.

Jis zynuo vairuok, na kai juo muote par datorim.

Daguoju i izreiz saprotu – zors nūsvīsts.

EVOLUCEJIS SERIALS

Puikeli iz īlys smejās par vīnu rasnuoku i ar brilleitem –

NIKUO PUORSTEIDZŪŠA!!!

Tai ir bejs vysūs laikūs

kūpš Homo Erectus īsavyuicē staiguot i skrīt.

Paradokss sliepās tymā,

ka briļļainīs vysdreīžuok

Piec godu 70 pamess testamentā bārnim akcejis nu Apple leidzeigys
kompanejis

ci autortīseibu montuojumu

vēļ iz tik poš godim.

A puorejī pamess porodus par nakustamuo eipašuma nūdūkli

i vītejuos īlys respektu nu leidzeigīm.



KVADRATMETRI

Pa trubom
tak nafta, bryunā kruosā.

Maņ sirds
i oknys nu dzeivis
taipoš jau beigtyš.

Nikas, es tū valnu - dzeršu!

Cerej iz munu dzeivūkli

pīci i seši,

i daž

vīnā vosorā

bārni i vystys.

Saimis uzjāmums - mafeja.

Kur pats sev kotrys
ir noms i saimenīks.

Indej jī mani!

INDEJ!

Nikas,
es vēļ dzeivuošu miļonim godu!

Tys, kas avīzem žālojās
tys paliks par geju!

TESTESTERONA SKOVUOS.

TU OTKON GLUOSTI TRAFAREITUOS MAŠYNYS PEDA, *lus*

I VERĪS IZ NŪTRĪKTUOS, APSAGTUOS MĪSYS.

TU ĢAIDEJI ITŪ ŠA, *ti* VYSU NEDELI

I DŪMUOJI, KAIDS TOD ĪSASTUOS MĪRS...

TU PRUOTĀ TŪ VYSU ZEIMUOJI

I ĢAIDEJI ITŪ ŠA, *ti* VYSU NEDELI!

TU DĪNU NU DĪNYS CYTĀ NIKUO REDZĒT NAGRIBIEJI

I ĢAIDEJI VĪŅ ITŪ MOMENTU –

TU NŪVUOKSI PĀDEJŪ SĀBRAUKTUO LŪPEŅA KERMINI

I BEIDZŪT BRAUKSI ATZEIMUOT PĪKTDĪNI!!!

PĪKTDĪNI !!!!!

P Ī K T D Ī N I !!!!!

PAREIZAIS KONTAKTS

ES ASMŪ LYSAIS,
NU NATUOLUOS PĪTURYS MUKTUPUOVULIM.
ES PI ŠKOLYS RAVĒJU PUČIS
I RUDIŅŪS SVAIDU PĀ BĀRNIM AR UOBULĪM.

MAN PATEIK NIKUO NĀDAREIT
I GAUZTĪS PAR DZEIVI.
BET NĪVĪNAM TŪ NAVARU SACEIT,
JO ŠKOLUOTUOJS SĀCEJA - KĀ TYS NAV BRĒIVI.

ES STRUODOJU ŠKOLĀ PAR DUORZNĪKU,
PAR PĀLEIGU.
JĀU PĀMOZAM NŪSĀSTUOJU IZ KUOJOM.

ĢĀROM MAN ĢUOJA BĀRNI.
NŪSĀUCA PAR PIDĀRASU
I NŪSKRIEJA PĀ SĀTOM.

R E C E P T E

ONKOLOGEJIS DISPIČERS

REGISTRACEJĀ,

ONOMATOTEORĒJIS RITMŪS

MAŅ PASOKĀ TAI:

BRONHOALVEOLĀRĀ ADENOKARCINOMA!

PLAUŠU SĪKŠŪNU KARCINOMA AR NEIROENDOKRĪNU AKTIVITĀTI,

I MEZENHIMĀLA HONDROSARKOMA,

I INTRADUKTĀLA PAPILLOMA!

REKTOSIGMOIDĀLĀS DA^lĀS ADENOKARCINOMA

HEPATOCELULĀRA KARCINOMA!

ĢON VE^lSUBEPENDIMĀLĀ MILZŠŪNU ASTROCITOMA!

ĢON MIKSOPAPILLĀRĀ EPENDIMOMA!

KŅAZS RASICKIS

NATURALIZACEJIS PROCESS

AIZVAKAR ĪSAPAZYNU AR DIVEJIM HOMOSEKSUALYM CYLVĀKIM.

VĪNS PIERKA PĪNU, ŠPROTUS I BANANUS.

ŪTRS IZDEVE PYRMAJAM ATLYKUMU.

TYS NIKAS, KA JĪM VYSMOZ 20 GODU STARPEIBA.

OBEJI VĪNS ŪTRAM SMAIDEJA

KAI ES ILVAI 7.KLASĪ,

GARAJĀ PUŠDIŅU STORPBREIDĪ.

NAV SVAREIGI, KAI JŪS SAUCE,

JĪ OBEJI VĀLUOK KŪPĀ ATGUOJA KUORTUOT

VAĻSTS VOLŪDYS EKSAMENU.

DŽEREŅU PYRMIS KŪRFIRSTS

PATĪSEIBA I DRŪSME

ES ZYNOVU, KA JĪ ZŪG

KA JĪ ZŪG ES ZYNOVU

ZYNOVU ES KA JĪ ZŪG

ES KA JĪ ZŪG ZYNOVU

JĪ KA ZŪG ES ZYNOVU

ES ZYNOVU JĪ ZŪG

ZŪG ES ZYNOVU JĪ

Es

BEIGUOS AR PAGALI JŪ NŪSYTA.

KŅAZS RASICKIS

ANDROMEDYS MYGLUOJS

BAZNEICKUNGS OTKON PĪTERAM IZMETE JŪKU

PAR JUO BUORDU.

TŪ DZIERDĒ DAUDZI, TIK PASASMĒ DIVEJI –

PATS JŪKA AUTORS

I ĻUCE, KAS VYSOD BEJA CANTUSĪS

ĪKARUOT JAUNUO PRĀVESTA SKATĪNI.

SITUACEJA NAĪTEKMĒ NIVĪNU –

PĪTERS TURPYNUOS DZEIVUOT PA SOVAM,

GOREIGSTĀVS TURPYNUOS SLUDYNUOT I SKIUTĪS,

A ĻUCE CEŅSĪS,

BET TAI I NIKUO NADABUOS –

JAM SĪVĪTIS NAINTERESEJ!

DŽEREŅU PYRMAIS KŪRFIRSTS

PĀRSŪTI 10 DRAUGIEM

NATICIT SEV!

NIKOD NATICIT SEV!

TICIT KAIMIŅAM, BREINUMIM, LOTOREJAI,

TAM, KŪ STUOSTA TELEVIZORĀ TICIT!

NATICIT SOVOM SPIEJOM!

TICĒT SEV VAR AIZLĪGT AR LYKUMU VOI PĪJIMTU NORMU.

TICĒŠONU SEV VAR SALEIDZYNUOT AR UZJIMŠONŪS PORNO.

TEV LĪKĀS, KA TEV PĪVIERŠ UZMANEIBU VEIRĪŠI NU CYTOM SĀTOM.

NATICIT SEV, TICIET SEV IR PUORUOK LĀTAI.

VAIRUOK TICIT LOBUOK CITIM - JĪ VAIRUOK ZYNA.

TICIT TIM KURI VYSU ZYNA

VYSU

URĀ!!!

Nacīna pret Pegasu

Vysu reitu raudzeju īsavuiceit jiekabpiļs soļniku*.

Nav jau vīgli stuņdi nu vītys

šliukuot pa vīnu pyrmū steigu

i radeit stacato - veideigys skanis!

Tī, tuolajā Okeanā, vaļim tūmār ir vīgļuok -

Jīm ir infraskanis diapazons vēļ kluot!

A, maņ viņ augšejuo sābra

sitīni ar slūtu pa radiatorim...

Kai viestneši par juo pošpasludynuotuo

Muzykys kritiķa karjeru!

*Cīš vīnkuoršuoṭys „solo partejis”, kurys ģitārists spielej, izmontojūt viņ vīnu pyrmū ģitarys steigu.

B E Z G A L E I B A

ZEIMEJU BĀRZUS BOLTUS

AR KREITENIM, KAI BIERNEIBĀ.

DAUDZ PIERKSTŪS KORSTUMA...

KAI VYSĀ LATGOLĀ.

KUR MUOLA CEPLI KURĪS,

KUR RĀZNYS AZARS - VIĻŅU ŠŠŠOLKŪŅĀDUS.

KUR MEŽI PYLNI

BĀRZA LĀTYS KUBATURYS

I SIENŪ.

KUR SEPERATISTI SLIEPĀS

VAIRUOK KAI REIGĀ,

KUR MOSKOVYS SPOLVAINUOS RŪKYS

PIEC ZĪPEITEM TĪCUOS.

BET VOI TU ESI SPECIĀLISTS


IZGLEITEIBĀ SOVĀ?

ŠAUBŪS.

ARI MAŅ BABA DZEIVŅOJ LATGOLĀ,

TAIPOŠ, KAI TEV

DZEIVUODAMAM REIGĀ!



SEKOJIT MYUSEM TWITTERĪ



@LifeNoMeJpils

BEIGYS

© KORPORACEJA

“DELTA.MOPEDS”